

Yw Bouxcuengh (Fapyw Aeu Maeyw Diemj Cit)

□ Godoq cingjeix



▲ Bouxsughangz banh ban sonhag cim cit yw Bouxcuengh.

◀ Aen yizsi fathengz bonj《Cungguek Gij Cim Cit Yw Bouxcuengh》.

Vunz Bouxcuengh miz lizsij nanz raeuh, miz vwnzva lwenqda dangqmaz. Youq ndaw vwnzva Bouxcuengh, Yw Bouxcuengh dwg cungj vwnzva hungdaeuz ndeu, haujlai bi daeuj, Yw Bouxcuengh bauj hawj vunz Bouxcuengh fuengzbingh ywbingh youqndeidi ndangcangq.

Yw Bouxcuengh (fap aeu maeyw diemj cit), dwg cungj fapywbingh ndeu, aeu doenghij maeyw youz vunz ndawbiengz Bouxcuengh guh-baenz, diemj dawz feiz le soh cit diemjmaeg naengnoh ndangvunz, aeu neix daeuj ywbingh roxaeuz fuengzbingh. Cungj fapywbingh neix daj ndawbiengz Bouxcuengh miz ok, ginggvaq vunz yenzgiu cingjeix daezsang le, vunz lai lij gyaenz yungh cungj fap neix ywbingh.

Aeu maeyw diemj cit dwg Yw Bouxcuengh ndawde cungj fap yw rogndang ndeu. Canghyw aeu fap yw Bouxcuengh ywbingh seiz, yungh gij maeyw aeu ndaij renx baenz, na(cizging gvangq) miz 0.25 hauzmij, 0.7 hauzmij, 1.0 hauzmij sam cungj mbouj doxdoengz, renx baenz mae le couh dawz bae ceh raemxyw, dakroz liux ce yungh. Langh yungh daengz couh diemj dawz maeyw, cit coq diemjmaeg naengnoh bouxbingh, aeu neix daeuj doeng lohlungz(cungj "roen" ndawndang doxdoeng ndeu) caeuq lohfeiz (cungj "roen" ndawndang doxdoeng ndeu), hawj bouxbingh ndaej laeh rumz cawz maz, daengx in daengx humz, doeng lwed siu gamz, siu foeg sanq ndaek daengj.

Vunz saeq caeuq hengz yw Bouxcuengh couh yienghneix naemjngeix: "Vunzraeuz mbouj dwg gag youq gag baenzbingh, dwg aenvih heiq lwed mbouj yinz yinxhwnj bingh." Baengh maeyw diemj cit gik

naengnoh, doeng ndei lohlungz lohfeiz, couh ndaej hawj vunzraeuz cawz maz, daengx in, laeh rumz, siu ndat, hwng lwed siu gamz, siu foeg sanq ndaek daengj.

Hengz yw Bouxcuengh gij fap diemj cit ywbingh seizhaenx aeu miz geu mae ndeu, aen daeng ndeu. Cit coq diemjmaeg naengnoh seiz, naengnoh vunz in lumj duzmoed haeb, danhseih siu bae vaiq dangqmaz, bouxbingh mbouj deng in gijmaz, mbouj miz riz, ancienz youh hawj vunz saeq ndaej gvaq; maeyw diemj dawz le mbouj miz hoenz, mbouj uq hoengheiq; yw bingh ndaej



▲ Bouxcoz sawq gij fap aeu maeyw diemj cit ghen-daengz yw Bouxcuengh.



▲ Canghyw bae ndawbiengz Boxcuengh ra ywdoj.

ndei, yungh cienz noix dangqmaz, ngaih hag ngaih rox, yienghneix ne cungj fap ywbingh neix cei q hab youq ranghdieg lajmbanj caeuq dieg luegbya gyaedoi gvangq sawjyung.

2011 nienz 5 nyied 23 hauh, yw Bouxcuengh (fap aeu maeyw diemj cit) ginggvaq Gozvuyen baecin, ndaej liedhaeuj daihsam buek guek-gya gaep feihvuzciz vwnzva yizcanj mingzloeg.

Vunz hengz yw Bouxcuengh gij fap diemj cit ywbingh, aeu vunz Bouxcuengh guhdaeuz, vunz minzcuz doxgyawj lumj Myauzcuz, Yauzcuz, Dungcuz daengj minzcuz, hix miz vunz doxgyaux sawjyung. Fap diemj cit yw Bouxcuengh ne ngaih yungh, yw ndaej bingh, neix gaenq ndaej dangguh cungj dinfwngz hab lajmbanj yungh haenx doi coh daengx guek.

Yw Bouxcuengh (fap aeu maeyw diemj cit) mboujdan hawj vunz bonj minzcuz ndangcangq youq ndei, fuengz bingh yw bingh, ciengxndang bauj ndangcangq, hwngfat gengangh canjyez, guh gohyoz yenzgiu caeuq sonhag daengj, miz cozyung youq-gaenj dangqmaz, vanzlij doiq daengx sei qgyaiq vunzraeuz ndangcangq maj ndei miz yungh hungmbwk dangq-maz.




▲ Boux gyausou yw Bouxcuengh son canghyw aeu maeyw diemj cit.



▲ Yw Bouxcuengh gij fap aeu maeyw diemj cit ndaej liedhaeuj guekgya gaep feihyiz mingzloeg.



▲ Gij hongdawz gvendaengz yw Bouxcuengh.



▲ Boux gyausou yw Bouxcuengh sawq gij fap aeu maeyw diemj cit.